

ИРТУГ

—

БЮЛЛЕЗЕН

1882-1887

1-4

И. И.

47713

47714

47715

29549

ԵՐԱԿԱՆԱԳԻՒԹ

1882—1887

ՊԱՏԿԵՐԱԶԱՐԴ

ԵՐԵՐԻ ԳԻՐՔ—ԱՃՈՒՆ



1888

ԵՐԱԿԱՑՐԻՔ

1882—1887

ՊԱՏԿԵՐԱՁԱՐԴ

ՀԱՏՈՒԱԾՆԵՐ

ՄԱՆՈՒԿՆԵՐԻ ՀԱՄԱՐ


ԵՐՐՈՐԴ ԳԻՐՔ — ԱՇՈՒՆ

ՀՐԱՏԱՐԱԿՈՒԹԻՒՆ ԿԱՍՍԱՐ Ա. Մ. ՍԱՐԳՍԵԱՆԻ

ԹԻՖԼԻՍ

1888

Մ. ՌՕՏԻՆ ԵԱՆՑԻ ՏՊԱՐԱՆ



ՄԱՆԿԱԿԱՆ ՄԱՂԹԱՆՔ



Վահկ, ամենաբարի Արարիչ,
Աղաչում ենք մաքուր սրտով,
Տուր աշխարհիս առատութիւն՝
Պատուհասից ազատելով:

Յուսահատին մի ճանապարհ
Ցուց տուր դիւրին ու ապահով,
Որ նա գործով միշտ զբաղուի,
Ապրի արդար իր վաստակով:

Խեղճ աղքատի դուռը բացիր,
Նա զրկուած է այս աշխարհում.
Խակ զրկողին գութ պարգևիր,
Լցրո՛ւ աչքը անկշտում...

Երկրագործի աշխատանքը
Չարիքներից աղատ պահի.
Նրա գործը բարեխիղճ է
Եւ արդիւնք իր սուրբ քրտնքի:

Ո՞հ, լիր մեզ, ով Արարիչ,
Պաղատում ենք մեր սուրբ բերնով.
Չարը խեղդիր,—բարին ծաղկի,—
Աշխարհքս լցրու բարիքներով...

1887

ԳՈՂՈՒԹԵԱՆ ՀԵՏԵՒԱՆՔ

Մերատի համար սովորական էր տնալին գողութիւններով պարապելլ: Եւ զարմանալին այն է, որ ամեն անգամ նրան լաջողվում էր մի բան գողանալ և վայելել: Այս գուցէ նրանից էր, որ նա շատ վարպետութեամբ էր իր գործը կատարում:

Մի առաւօտ Սմբատը մտնելով տուն, տեսաւ որ իր մալրը թաժաւ հաց է թխել. իսկոն մի միտք լուցաւ նրա գլխում:

—Այս լա՛ւ է, բացագանչեց նա. պահարանում իւղ կալ պահած, կարծեմ, հիւրերի համար: Կը գողանամ բաւականին, կը քսեմ թաժաւ հացի վրայ և անուշ կանեմ: Մի՞թէ հիւրերն ինձանից լաւ ախորժակ կունենան, կամ թէ չէ նրանք ինձանից լաւ մարդ ե՞ն...

Եւ նա շուտով բացեց պահարանը, ինչպէս ասաց, այնպէս էլ արաւ. բայց նրա բախտից մալրը վրահասաւ: Սմբատը աճապարելով նախաճաշիկը կոխեց գլխարկի տակը և երկու ձեռքով գլխարկը ամուր սեղմեց գլխին, որ մալրը չը հասկանալ բանի էութիւնը: Եւ ճիշտ նա ոչինչ չը նկատեց:

Պէտք է ասած, որ հացը փոքր ինչ տաք էր. սրա ազդեցութիւնից հալուեց իւղը և ըսկը-սեց ծլծլալ Սմբատի երեսով։ Մայրը տեսաւ այս, և կարծելով քրտինք է, ասաց.

—Այդ ի՞նչ է, որդեա'կ... սրբիր փեշովս երեսիդ քրտինքը...

—Զէ, չէ, մարիկ, շատ եմ խաղացել, էնդուր եմ քրտնել... ես յետու կը սրբեմ, իսկոն վրաբերեց Սմբատը սբրթնած և տեղից չը շարժուելով։

Մայրը հարկաւոր գործի ետևից դուրս գնաց. մնաց Սմբատը։ Սա հանեց գլխարկի տակից նախաճաշիկը և սկսեց ուտել։ Եւ կարծելով թէ «հրէս» մայրը կը դաէ, կ'իմանաւ և կը ծեծի, սկսեց այնպէս մեծ-մեծ պատառներ դնել, որ մի պատառը «կատիկը թռաւ» — շընչափողն ընկաւ։ Նա խեղդուելով, երեսը կարմըրած կոշտ հաղից, աչքերն արտասուքով լցուած՝ հաղիւ կարողացաւ ասել.

—Վա՛.... հա՛.... հա՛.... ըամ.... լինի հա՛... թի՛ւն.... թի՛ւն.... թի՛ւն.... և նա շնչառառ ընկաւ գետնին։

Տանեցիները վրահասնելով, հաղիւ կարողացան մի կուժ ջրով ուշքի բերել տանու գողին...

ՔԱՄԻ

 ատանվում են ծառերը
Ձօրեղ քամու փշուածքից,
Կոտրատվում են ձղները
Ձրկվում իրանց մակր ծառից։

Թող ու աւազ երկինք է
Բարձրացնում ու տանում,
Եւ կամ գետնին շրջելով
Մարդկանց աչքեր կուրացնում։

Փանդքնդում է դէզերը
Խոտը խլում փշացնում,
Շառաչելով տանիքից
Տախտակ պոկում, շպրտում։

Կտրուել է անց ու դարձը,
Տանից ոչ ոք դուրս չի դալիս,
Քար, հող, աւազ—ամեն բան՝
Մարդի գլխով է տալիս։

Վավսում է սաստկագին,
Գոռում, գոչում, բարկանում,
Մէկ երեխակի պէս լացում,
Իբր գաղան բառաչում։

Ոչ մի արդելք չի կարում
Նրա ուժին դիմադրել,
Վզգում է սոսկալի,
Փշում ամենն անարդել:

Ամենայն ինչ սարսափած
Ծալծվում է, ոլորվում,
Քամու անգութ հարուածից
Ազատուել է աշխատում...

Միայն անկաղթ երկիրն է
Իր գոռ կուրծքը դէմ արել
Այդ քամիները միմիայն
Նրա ծիծաղն են շարժել...

1886

ՄԱՐԴԸ

ՀԻՆ ԶՐՈՅՑ

Ա.

 Ենդանիների թագաւոր հզօր առիւծը մի
անդամպատահելովիրազգակից կատուին՝
շատ զարմացաւ, որ նա բոլորովին իրան նման
է, միայն սաստիկ նուազ է ու փոքր: Նա ցան-
կացաւ դրա պատճառն իմանալ, ուստի և ասաց.

—Ազգակից եղբայր, ես զարմացած եմ
քեզ վրայ: Դու սաստիկ նման ես մեր ցեղին,
սակայն շատ փոքր ես:

—Մեծ արքայ, ձիշտ է ձեր նկատողու-
թիւնը, պատախանեց կատուն. մենք ձեր ցե-
ղիցն ենք, բայց մեր տէրը՝ որին մարդ են
ասում, դարերի ընթացքում մեր սերնդին այն-
քան գանահարել է, որ մեր ցեղը հետզհետէ
նուազել, փոքրացել է:

—Բայց մի՞թէ դուք չէիք կարողանում
վրէժինդիր լինել. և ինչո՞ւ այդքան համբե-
րում էիք. ձեր արքայական անունը ինչո՞ւ ո-
տի տակ էք տալիս, մի՞թէ ձեր մէջ ոգի չը կայ:

—Մեր սրտի մէջ այժմ էլ աներկիւդ ոգի կայ,
և մենք շատ ենք ընդդիմացել մարդին, սակայն
մարդը, օ՛, մարդը մեզանից խորագէտ է. նա
լաղթեց մեզ ամեն դէպքում: Աշխարհիս երե-

սին մի բան չենք տեսնում, որ ընդդիմանար մարդին և յաղթանակը տանէր: Ամեն բան խոնարհվումէ նրա հանճարի առաջ. նա անլաղթէ...

— Անուամենախիւ ձեր վարմունքը պախարակելի է: Արքայական զարմին վիզ ձկել՝ խորին նախատինքի է արժանի, գոռաց առիւծը:

— Այդ ձիշտ է, բայց... բայց, մեծ արքայ, մեր բոլոր ուժերն ապարդիւն անցան. հէնց այդ ընդդիմութեան համար ծեծ կերանք, որ այսպէս նուազ մնացինք: Մեզանից մի քանիսը, այո՛, չը համբերեցին և մարդկալին բնակութիւնից հեռու փախան. ալժմ նրանք անտառներում են բնակվում, բայց մարդիկ նրանց էլ հանգիստ չեն թողնում, և որոգալիով ու արիւնուշտ հրացանով շատերին սպանում են:

— Ես խորհուրդ կը տայի բոլորդ էլ նրանց օրինակին հետևէիք. լաւ է մեռնել հըրացանով, քան այսպէս թշուառ ապրել, որոտաց առիւծը վճռողապէս:

Կատուն լոեց, որովհետև առիւծի ասածի մէջ ճշմարտութիւններ կալին. բայց նա կամենում էր առիւծին գործով ցոլց տալ մարդի խորագիտութիւնը, ուստի և ասաց.

— Հզօր արքայ, եթէ կամենում էք մարդ արարածը տեսնել և նրա հետ ձեր ուժը փորձել, — ահա՛ անտառի մօտ նա փակտ է կը տրում, հետը մրցեցէք՝ ինչով կուղէք:

Բ.

Առիւծը վեհափառ բաշը թափ տալով և հպարտ-հպարտ քաղուածքով մօտակայ անտառը դիմեց: Նա հեռուից տեսաւ մարդին, որ տապարով ահագին գերանը միջից ձեղքում էր: Նրա ծիծաղն եկաւ, երբ մարդին ոտից գլուխ դիմեց. ուզում էր ձէտի մի հարուածով նրան գետնին հաւասարեցնէր, բայց իւտու մըտածեց, որ այդ փոքրութիւն կը լինի: Այդ ժամանակ յանդուզն մարդը արդէն պատրաստուել էր տապարով առիւծի գլուխը ձեղքելու, երբ վերջինս գանչեց. «Պատահ' ր»...

Մարդը տապարը ձեռքից վայր դրեց և յորդառատ քրտինքը սրբելով հարցրեց.

— Ի՞նչ ես կամենում, ա՛յ առիւծ...

Առիւծի սիրտը եփ եկաւ, որ իրան արքայ անունը չը տուեց, բայց կրկին համբերեց, նրան վսաս չը տուաւ:

— Եկայ, խրոխտաբար խօսեց առիւծը, — ձեր ուժն ու խելքը փորձելու, որ տեսնեմ դուք մի բանի նմա՞ն էք, որ ամենքն էլ ձեր առաջ խոնարհվում են: Մանաւանդ մեր ազգակից կատուների պատիւը ոտի տակ էք տուել, ստրկացրել... Այդ անպատութիւնը մեզ էլ է վերաբերում, ուստի եկայ նրանց վրէժը լուծելու: Ես կենդանիների թագաւոր քաջալաղթ առիւծն եմ, լա՛ւ իմացիր և բերանդ մաքուր

պահիր ինձ հետ խօսելիս: Զեր մասին շատ մեծ համբաւներ եմ լսել, որ դուք խելօք ու կորովամիտ էք. Ե'կ, ինչով կուզես մարտնչենք, եթէ դու—որ շատ հաւանական է—յաղթուեցար, իմացած լինիս, որ պատառ-պատառ պիտի անեմ..

—Շատ լաւ, առիւծ արքալ.... ես պատրաստ եմ, պատասխանեց մարդը, որ ոգևորուած առիւծի ճառը լսելիս՝ արդէն իր ծրագիրը կազմում էր նրան յաղթելու համար:

—Ահա՝ գործս վերջանալու վրայ է, շարունակեց նա. եթէ կամենում էք աւելի շուտով վերջանալ, դուք էլ օգնեցէք, մանաւանդ որ մեծ ուժ է հարկաւոր և ես դեռ շատ պիտի չարչարուեմ: Ես կամենում եմ այս գերանը ձեղքել. ահա ձեղքն արդէն բացուած է. ձեր երկու հզօր թաթերով ձեղքեցէք գերանը, իսկ ես, մեծ արքալ, միւս կողմից իմ տապարով կը խփեմ ձեղքի մէջ մտած ամուր սեպին, որ գերանը երկու մաս անենք: Ինձ այսքան է միայն հարկաւոր:

Առիւծը նուաստութիւն չը համարեց այդ պաշտօնը, որովհետեւ նրանով երևան պիտի գար իր ուժի առաւելութիւնը: Կա մոնչալով իր երկու զօրեղ թաթերը դրեց գերանի ձեղքի մէջ, և սկսեց գերանը երկու մաս բաժանելու համար իր բոլոր ուժը գործ դնել:

Խորամանկ մարդը, որ հէնց այդ բանին էր սպասում, այնպէս վարպետութեամբ հարուած տուեց ձեղքի մէջ մտած սեպին, որ սեպը դուրս պրծաւ, և ձեղքուածը կրկին սեղմուելով իր մէջ թողեց առիւծի թաթերը: Առիւծը ուժգին ցաւից որոտաց և բոլոր ուժը գործ դրեց թաթերը հանելու:

Սակայն այդ անհնարին էր: Հէնց այդ միջոցին վրահասաւ մարդը և տապարով լսելուց գանահարել առիւծի գլուխը: Առիւծը գոռում, գոչում էր. զօրեղ ձէտը գետնին խրփելով դղրդացնում էր անտառը. իսկ մարդը աներկիւդ շարունակում էր գանահարութիւնը: Էլ ուժ չը մնաց առիւծի մէջ. ուշաթափուեց և մնաց ողորմելի կերպով գլուխը քարշ արած գերանի վրայ: Մարդը տեսնելով որ եթէ մինչև անգամ առիւծը կենդանի էլ լինի՝ չի կարող ոչինչ անել, տապարով կրկին սեպը մտցրեց գերանի մէջ, և ձեղքը բացուելով առիւծի թաթերը դուրս եկան նրա միջից: Առիւծն անզգայ ընկաւ գետնին. նա բերանը բաց ու խուփ էր անում: Մի ժամկից լետու նա խելագարի պէս վերկացաւ և գլոր-գլոր գալով, թաւալուելով սկսեց փախչել մարդից...

Մարդը հանգիստ թողեց նրան և կրկին սկսեց իր գործը շարունակել:

Ո Ր Բ

 ունի հագուստ, չունի տուն,
Թափառում է որբ տղան.

Ո՞վ է խեղճին սփոփում,

Ո՞վ է կերակրում նրան:

Օրերով նա ընկած է
Արա-նրա դռներին.

Հայր-մայր չունի, քոյր չունի,

Ո՞ւմ պատմէ վիշտն իր սրտին:

Նա անտէր է, նա որբ է,

Ո՞վ կը լինի պահապան.

Ո՞րտեղ դնէ գլուխը,

Կը տա՞ն նրան օթևան:

Թափառում է դէս ու դէն

Ոտաբորիկ, անօթի.

Սարսումէ մարմինը,

Ա՛խ, ասացէք, ի՞նչ անի...

Գարուն, ամառ սահեցին,

Եկաւ աշուն խատագին.

Եւ սաստիաշունչ ձմեռը

Վհատեցնում խեղճուկին...

«Հայրիկ, մայրիկ, լալագին

Միշտ կանչում է խղճալին.

Հեկեկոցն օդն է թնդացնում,

Եւ այդ ոչ ոք չէ լո՛ւմ...

—Եղբայր, մենք քո վատը չենք կամենում, այլ ասում ենք զուր ես դուրս եկել այսպիսի ժամանակում:

—Լաւ, լաւ, ձեզ մի արդարացնէք, ձեր միտքը հասկանում եմ:

Այդ միջոցին մի անտառուն հէնց կամենում էր նրան բերանը գցի, ուտի, բայց տիրոջ ճիպոտը դիպչելով կողքին՝ «կղճորեց» անցաւ: Խեղճ բոյսի գլուխը տափից կըպաւ. նա չարչարուեց, որ գլուխը բարձրացնի, չկարողացաւ:

—Ա՛յ թէ ջախջախուեց մեր հապատի գլուխը հա, տացին ծիծաղելով սերմնահատիկները:

Իոյսը բարկութիւնից ուզում էր միջից ճաքի. նա մի քանի անգամ աշխատեց, որ գլուխը բարձրացնի՝ չը կարողացաւ. վերջին անգամ ոյժը հաւաքեց և ոտի կանգնեց... բայց խեղճը գլխից զըկուեցաւ. նրա գլուխը մնաց գետնում:

—Ե՛լ չը խօսաս, անգլուխ եղբայր, ձախդ փորդ է ընկել, սկսեցին հըհոալ սերմնահատիկները:

Եւ ճիշտ, խեղճ բոյսը ոչինչ չը կարողացաւ ասել, այլ ոտով, ձեռով էր անում թէ՝ սպասեցէք, ձեր պատասխանը շուտով կը ստանաք:

Սըեւը բարձրացաւ և տաքացրեց խոնաւ գետինը: Կարճ միջոցում հապատը գլուխ ստացաւ և տաց.

—Վերջապէս ազատուեցալ, քաջ եմ, թէ չէ. կարծում էիք հոգիս խոլոյն կ'աւանդէի, ձեզ նման թուլասիրտ չեմ...

Սերմնահատիկները լու համարեցին լուել, քան կըրկին վիճաբանութեան մէջ մտնել նրա հետ: Նրանք գիտէին, որ այդ հապատի վերջը մօտեցել է:

Օրերը քանի գնացին, յըտեցին, բոլոր դալար տունկերը սկսեցին դեղնել: Մեր հապատ բոյսը քաջութեամբ կովում էր ցըտի հետ. նա աչքերը խուփ արաւ, մտաւ

չոր տունկերի արտնքը, և աշխատում էր տաք տեղ գըտ-
նելու իր համար, բայց քամին գտաւ նրան, կոխեց իր
թոյնալից ցրտութիւնը նրա մէջ և անշնչացրեց:

Նրա հետ զիճող սերմնահատիկները վաղուց խորը
քնել էին և գարնանը զարթնելով՝ նկատեցին հպարտ
բոլոսի ցրտահար և չորացած մատղաշ ցողունը...

«Հպարտների և անժամանակ աճողների վերջը միշտ
ալդպէս է լինում», ասացին նրանք և ապա գլուխները
հանեցին հողի տակից...

1885

ԱՇԽԱՆ ՏԵՐԵՒ



Եղնել է աշնան տերև
Սնզգալ ընկել գետնին,
Եւ մտածում է երկար՝
Յիշում իր կետնքը նախկին:

Նա լիշում է որ ինչպէս
Կոկոնի մէջ պառկած էր,
Եւ զմալլած աչերով
Լոյս աշխարհը դիտում էր:

Անցան մի քանի օրեր,
Օրերը շատ տաքացան,
Գլխիկը նա գուրս հանեց,
Եւ ճեղքուեց նրա պատեան:

Վայելեց գարնան քաղցը
Մեղմ օրերն ու առաւօտ,
Շնչեց նոր ծաղիկների
Բուրմունքը անուշահոտ:

Շուտով հասան ամարնալին
Երջանիկ, ուրախ օրեր,
Տերեւ ստուերի տակ
Մեղմ կերպով օրօրվում էր:

Բայց ահա եկաւ աշուն,
Նա գեղնեց ու գալկացաւ,
Իր ոլժից ընկաւ, զրկուեց,
Քամին փչեց—գետնին ընկաւ:

Գիտէ որ կը գտի ձմեռ
Ցուրտ ձիւնով աշխարհ ծածկի,
Եւ ինքը վաղ կամ շուտով
Հող կը դառնայ, կը կորչի...

Եւ ահա յուսակտուր
Ընկել է խոնաւ գետնին,
Հառաջում է խեղճիկը
Սպասում իր վախճանին...

1886

ՈՍԿԻ ԵՒ ԿՐԱԿ



Ի տան պատշգամում, բազկաթոռի մէջ,
Նստել էր ծերունի Յովհաննէսը և նա-
յում էր գէպի փողոցը: Այդ բոպէին տարուայ այն ժա-
մանակն էր, երբ օրերը մի փոքր ցըտելով՝ ամարանոց
գնացած ժողովուրդը վերադառնում էր քաղաք: Գուցէ
նա երկար գիտէր ժողովրդի խոնվումը, եթէ իր թո-
ռը՝ նաշխուն Վարսենիկը չը խանգարէր նրան: Թոռան
երևալով՝ իսկոյն նրա լերկ և կնճոռտ դէմքը փայլեց
ուրախութիւնով: Նա գրկեց Վարսենիկին և համբուրեց
նրա փափլիկ թշերից:

—Պապի, չ՞ որ երէկ խոստացար ինձ Համար մի
զբոյց պատմելու, ասաց աշխոյժ թոռը:

—Զէ, չեմ լիշում:

—Ինչպէս չես լիշում. մինչև անգամ դրա համար
ինձանից մի պաչ... պահանջեցիր և... ես տուի:

—Հա, հա, այժմ միտս եկաւ: Բայց ես հիմա ու-
զում եմ մի ուրիշ լաւ բան պատմել. լսիր ուշադրու-
թիւնով: Դու գիտե՞ս Մովսէս Մարգարէի պատմութիւնը:

—Լաւ:

—Դէ մի պատմիր տեսնեմ՝ լաւ ես գիտում:
Վարսենիկը պատմեց:

—Ա՛յ շատ լաւ, սիրուն-ջան: Հիմա ես ուզում եմ քեզ
այնպիսի բան պատմել Մովսէսի մասին, որ դու չը գիտես:

—Դէ պատմիր, ասաց Վարսենիկն անհամբերու-
թեամբ, որ ուզում էր իմանայ թէ այդ ի՞նչպէս բան
է, որ գրքումը չը կայ և ուսումնարանում իրան չեն
սովորացրել:

—Երբ մանուկ Մովսէսին հանում են ջրից և տանում եգիպտոսի Փարաւոնի մօտ, —սկսեց ծերունին, — երեխան վրայ է ընկնում և բռնում նրա մօրուքից: Փարաւոնը դրա վրայ շատ զարմանում է, և երազահաններին դիմելով իմանում է նրանցից, որ այդ երեխան իրան վնասակար է և պէտք է շուտով ոչնչացնել, բայց գտնվում են մի քանի բարի մարդիկ, որոնք ասում են Փարաւոնին. «Թագավորն ապրած կենալ, սխալ է այդ կարծիքը. նա երեխայ է, ի՞նչ է հասկանում. կուգէք ռոսկի և կրակ բերէք և գնենք երեխայի առաջ, եթէ նա ոսկուց բռնի՝ իրաւացի է այդ բացատրութիւնը, իսկ եթէ կրակից — նշանակում է զուր է այդպիսի կարծիք տանելը և երեխային մի ոչնչացնէք»: Փարաւոնը հրամայում է գրանց ասածը կատարել: Հենց որ երկու առանձին տփսէի մէջ բերում են ոսկի և կրակ, երեխան վրայ է թռչում և ցափում, մի բռուն կրակ: Հազիւ կարողանում են լացող երեխային սուս կացնել, որովհետեւ նրա ձեռները կրակն ալրել էր: Դրանից Փարաւոնը իմանում է, որ երեխան միշտ արտաքին փայլին է նայում և ոչ ներքին արժանաւորութեան, ուստի և երեխային չէ ոչնչացնում: — Իսկ ես, Վարսենիկ-ջան, ընդհակառակն, այդ բանի մէջ տեսնում եմ դարձեալ մանուկ Մովսէսի խելօքութիւնը:


— Ի՞նչպէս:

— Կրակը հարիւր անգամ թանկ է մեզ համար և կարեար, քան ոսկին:

— Վա՛, վա՛, ի՞նչ ես ասում, պապի, կրակը ի՞նչ ոչինչ է...

— Սպասիր, սպասիր, օրինակով քեզ հասկացնեմ: Մի՛թէ կարելի է առանց կրակի ապրել:

— Ո՛չ:



~~Պարունակի թարգառ մասին~~

Ծեր աշակ Զի և մի գագալը բարձր
ամքուն: Ժամ 14/15-ը.

— Նատ լմւ. Հիմա նայիր, ի՞նչ կը լինէր աշխարհիս դրութիւնը՝ եթէ կրակ չը լինէր. նա մի մութ մարմընի կը նմանուէր, որովհետև արեգակը նոյնպէս վառ կրակ է, գիտես: Եթէ արեգակ չը լինէր՝ այն ժամանակ ոչ խոտ կը լինէր, ոչ անասուն և ոչ էլ մարդ:

— Բայց ախր կրակի համար մենք նեղութիւն չենք քաշում, պատասխանեց Վարսենիկը մտածելով, — իսկ ոսկու համար ամեն մարդ աշխատում է, տանջվում է որ ձեռք բերի, որովհետև ամենից կարեռին է...

— Այդ շատ ճշմարիտ է, ապրես. բայց եթէ կրակ չը լինի, ինչպէս կը շինեն տներ, մեքենաներ, գործիքներ և համարեա ամեն բան, ինչ մեզ հարկաւոր է:

— Ոսկով կառնէինք ու կը շինէինք, ինչ որ ասես՝ ոսկով կարելի է առնել, իսկ առանց կրակի շատ բան կարելի է անել:

— Ե՛ Է՛ Է... մի քիչ համբերիր: Պիտի իմանաս, որ առանց ոսկու շատ լաւ կարելի է ապրել. Հին ժամանակներն ոսկով չեին առևտուր անում, այլ փոխատութեամբ: Սյապէս՝ եթէ մէկն ունենում էր բուրդ, տալիս էր ուրիշին և նրա փոխարէն ստանում էր իրան կարեռը մի որ և է բան: Եթէ մէկը մի առարկալից շատ ունէր և իրան հարկաւոր չէր, տալիս էր ուրիշին և ստանում այն՝ ինչ իրան հարկաւոր էր և նրան աւելորդ: Ես քեզ կը կարդամ անգլիացի Ռօբինզօն Կրիւզովի պատմութիւնը՝ թէ ինչպէս մի երիտասարդ առանց ոսկու կարեռութեան մի կղզում երկար ապրեցաւ, իսկ կրակով շատ բաներ և իրան հարկաւոր ամեն ինչ պատրաստեց: — Հիմա մի ուրիշ օրինակ բերեմ. պատահեց որ դու կամ հայրդ, կամ ես ընկանք մի անապատ տեղ. սարսափելի ցուրտ է և սըսուռ, այնպէս որ մարդ մի քանի ժամում կարաղ է սառել: Մեր գրանները լիքն են ոսկով

արծաթով. քեզ եմ ասում, ինչպէս կարող ենք ցըտից ազատուել, երբ մեր ձեռներին չունենք մի բան, որով կարելի լինի կրակ անել։ Այդպիսի գէպքում ի հարկէ մարդ կ'ոչնչանալ իր ոսկիներով։ Բայց եթէ ունենանք կրակ, շուտով փայտեր վրայ կը տանք, ահագին խարոյկ կը գոյանալ, և մենք ազատ կը մնանք ցըտից...

—Այս, կրկին սկսեց ծերունին, —կրակը հեշտ է ճարպում, ամենքն էլ ձրիաբար կարող են ունենալ, և հենց դրա մէջն է նրա արժանիքը, որ թանկ և ամենից հարկաւոր բանն է, բայց ձրի է... Ոսկին կրակի արժանաւորութեան մօտ ոչինչ է...

Ծերունին վերջացրեց իր պատմութիւնը և սկսեց հարցական կերպով նայել իր թոռանը, որ այդ բոսկէին լուրջ կերպարանք էր ընդունել։ Թոռն աշխատում էր ըմբռնել թէ՝ միթէ այդ բանը կարող է ուղիղ լինել, և կարծես հետզհետէ նրա մտքում ոսկու արժանաւորութիւնը չքանում էր կրակի արժանաւորութեան առաջ...

1886

ԾԻԾԵՌՆԱԿ

 Ծիծեռնակը ցնծում է
Թևին խփում ճռուղում,
Երբ անմոռաց, հին բոյնը
Սնվնաս է գտանում։

Ծիծեռնակը ժպտում է
Սաղմոս կարգում Աստուծուն,
Երբ նախշունիկ ձուերը
Միշտ ասլահով են մնում։

Ծիծեռնակը պաշում է
Իր գիրկն առնում, օրօրում,
Երբ քնքուշիկ ձագերը
Լոյս աշխարհ են ոտ դնում։

Ծիծեռնակը թռչում է
Սարից, գաշտից մժեղներ
Կտցում, բերում շտապով
Եւ կերակրում իր ձագեր։

Ծիծեռնակը խտառում է
Ծնողի պէս ման ածում,
Երբ անհանգիստ ձագերը
Օդը ճեղքել են ուղում։

Ծիծեռնակը հսկում է
Տանում սար, ձոր սովորացնում,
Երբ շահացած ձագերը
Որսի ետնից են ընկնում:

Ծիծեռնակը լալիս է
Արցունք թափում, մղկտում,
Երբ անողորմ թշնամին
Աշխատանքն է փչացնում:

Ծիծեռնակը մեռնում է
Աչքերն փակում յաւիտեան,
Երբ անդութը չի խղճում,
Խփում սպանում է նրան...

Ծիծեռնակը ցաւում է
Դառն վշտերով այրվում,
Երբ հայրենիքից հեռու՝
Օտար երկրում է շունչ փչում...

1887

ԹԻԹԵՌՆԵՐ

ԱԽԱՆԴՈՒԹԻՒՆ

Ա.



Ծիկոյեան պարապ նստած էի ճրագի ա-
ռաջին չափից դուրս յոդնած լինելով՝ շուտ-
շուտ յօրանջում էի և գլուխս դէս ու դէն թեքում:
Երեկի շուտով կը քնէի, եթէ մի զարմանալի դէպք չը
հանէր ինձ այդ դրութիւնից:

Երբ ես աչքերս բաց ու խուփ անելով ննջում էի,
յանկարծ զգացի ճրագի կարճատե խաւարումը: Սնկաս-
կած այս անակնունելի դէպքը ինձ սժափեցրեց, և ես
խսկոյն հետամուտ եղայ այդ յանկարծական դէպքն ի-
մանալու:

Քաջի նման վեր թռալ և աչքերս ճմուրմորելով նայե-
ցի ճրագի բոցին, որ օրօրվում էր: Աչքերս ուղղում եմ
Ճիշտ բոցի տակը և ի՞նչ եմ տեսնում. մի ինչ-որ
սեացած մարմին աճնջռաշում էր... Իսկոյն կար-
ծեցի, որ դա միջատ պիտի լինի, որ սխալմամբ ճրագի
ալիքներին զոհ է գնացել: Սիրտս ցաւեց... անլապաղ
վերցը մի չոփ և նրա ծայրով խեղճ միջատի մարմինը
դրի սեղանի վրայ: Քննում եմ նրա մարմնի կազմուած-
քը, որ ճանաչեմ ինչ միջատ է... Խեղճ կենդանին բո-
լորովին ալլանդակուել էր, չէր ճանաչվում: Բաւական
երկար միջոցից յետոյ հաղիւ կարողացայ տեսնել նրա
թեւիկը, որ խանձուած էր երեք-չորս տեղից: Ինչ ասել
կուզէ, որ այդ ալլանդակուած միջատը թիթեռ էր,
որը, երեկի, կենսատու լոյս կարծելով ճրագի բոցին՝

կամեցել էր իր կակուղ թևիկներով փաթաթուել, գը-
դուել նրա ալիքի հետ. բայց սխալն արդէն մահառիթ էր...

—Վայ, ազի-ջան, մի տես է... ասացի արտասուա-
լից աչքերով և ցոյց տուի խանձուած թիթեռի մարմինը:
Մայրս նույեց ինձ և բացագանցեց.

—Երանի իմանալիր թէ ինչ նպատակով այրուե-
ցաւ այդ խեղճ թիթեռը:

—Մի՞թէ դրա վրայ մի բան ասում են:

—Ի՞նչպէս չէ...

—Վայ, մայրիկ, ասա՛, ասա՛, ես կը լուեմ:

Հենց այդ խօսակցութեան միջոցին մի ուրիշ սպի-
տակաւուն թիթեռ նազիկ թութուալով մօտեցաւ ճրագին:
Մի քանի անդամ խորամանկութիւնով պտտեց մոմի
շուրջը, կարծես մի բան ուզում էր գողանալ նրանից:
Նա հերոսի նման յանկարծական անցաւ բոցի միջով:
Երբ երրորդ անդամն անցնում էր ճրագի բոցով, այ-
րուեց նրա թևիկի կէսը. թիթեռը ծանրութեամբ ըն-
կաւ գետնին: Կարճ միջոցից յետոյ նա ոյժը հաւաքած
կրկին յարձակուեցաւ ճրագի բոցի վրայ և, կարծես,
թեռվ կամենում էր բոց շալակել. բոցը վառուեց նրա
թևից: Թիթեռը թեռ վառուած՝ շտապ-շտապ թութը-
ռալով հեռանում էր ճրագից, բայց երկար չը շարու-
նակուեց նրա թուչելը. բոցն այլեց նրա առողջ թեռն
էլ, և նա մղկտալով փոռուեցաւ գետնին... Սիրաս կըս-
կըծաց. մօտեցայ թիթեռին, վերցրի ձեռիս վրայ և լը-
ցուած աչքերով դիտում էի նրա ողորմելի շարժումնե-
րը: Կամենում էի մի ճար գտնել նրա խանձուած մար-
մինը բժշկելու...

—Թո՞ղ որդիս, թո՞ղ... մի չարչարիլ դրան. այդ
դեռ բոլորը չէ, ասաց մայրս:

Ես հնազանդուեցի. թողեցի թիթեռին իրան տեղը

և հեռացայ: Անհամբեր սպասում էի այդ ողբերգու-
թեան վերջին...

Կիսով չափ այրուած թիթեռը մի ակնթարթում
վեր թռաւ տեղից և վերջին անգամ յարձակուեց ճրա-
գի վրայ: Այս անգամ էլ ոյժ չը կար նրանում... նա
կիսախորով մնաց բոցի վրայ, որից առաջացաւ յանկար-
ծական խաւարումն: Խսկոյն հասկացայ, որ նախկին հե-
րոս թիթեռն էր, որ քիչ առաջ առաջացրեց խաւարումն:
Սիրտա չը համբերեց... վիշեցի և հանգցրի ճրագը:
Մատներս այրելով—նրա մարմինը սաստիկ տաքացել էր—
այդ թիթեռի մարմինը դրի միւս մօտ և անթարթ աչ-
քերով դիտում էի նրա բոլորովին ոչնչացած բողկուկ-
ները, կուչ եկած աչքերը, խանձուած թևերը, այլան-
գուկուած և «դքուած» մարմինը. գուցէ ես լաց լինէի,
եթէ մայրս չ'ասէր.

—Ո՞րքան օրինակելի հերոսութիւն...

Ես չը կարողացայ ոչինչ ասել:

¶.

«Դու գիտես, սիրելի որդի, որ ամեն շնչաւոր մեծ
մայր է ունեցել: Այդպէս էլ բոլոր թիթեռները մի մեծ
մայր են ունեցել և նրանից իրանց ծագումն առել: Երկար
ժամանակ թիթեռները վայելել են իրանց մեծ
մօր հետ անդուր և նախանձելի կեանք: Նրանք ամենա-
պատուական հիւթեռով են կերակրել իրանց մօրը: Ուրա-
խութիւնը տևողական չէ. այդպէս էլ պատահում է թի-
թեռներին: Մրջիւնները սաստիկ զալրանալով թիթեռ-
ների այն վարժունքի համար, որ նրանք բոյսերի վե-
րին մասերի քաղցրութիւնն են վայելում, սաստիկ կը-
ուիւ են բաց անում նրանց հետ: Սրանց պատերազմը

երկար է տեռում և երկու կողմից էլ բաւականին մեռնողներ են լինում։ Յաղթութիւնն ոչ մէկի կողմը չէ մնում, թէ թիթեռները շատ քիչ են լինում մրջիւններից։ Սրանք տեսնելով որ ահագին վնաս կրեցին թիթեռների հետ կոռուելով, մտադրվում են խորամանկութիւնով վնաս հասցնել նրանց մօրը...

Մի անգամ, երբ թիթեռները գնում են դաշտը, խորամանկ մրջիւնները գաղտուկ մտնում են նրանց բընակատեղին։ Նրանք թիթեռների մեծ մօրը քնած են գտնում։ Շտապով շալակում են նրան և փախցնում դէպի իրանց ստորերկեալ բները։

Մրջիւնների միտքն այն է լինում, որ թիթեռներին բոլորովին ոչնչացնեն, որպէս զի իրանք վայելեն բոլոսերի թարմ հիւթերը։ Նրանք տեսան, որ փախցնելով նրանց մօրը՝ անսասելի տիրութիւն պատճառեցին թիթեռներին, բայց չը կարողացան նրանց արգելել բոլոսերի քաղցրութիւնները վայելելու։ Ուստի և յայտնեցին թիթեռներին, որ նրանց սիրելի մայրը գերի է իրանց մօտ, և որպէս զի լետ ստանան նրան, լաւ կանեն բոլորովին ձեռը չը տան բոլոսերի վերին մասերին։

Թիթեռներն ամենալի ուրախութիւնով ընդունեցին այդ պայմտնը։ Նրանք լաւ համարեցին քաղցից մեռնել, քան թէ իրանց մօրը գերի թողնել։ Մրջիւնները խոստացան նրանց երեք օրից լետոյ վերադարձնել իրանց մօրը։ Թիթեռները երեք օր քաղցած մնացին, բայց մրջիւնները խաբեցին, չը կատարեցին իրանց խոստումը։ Թիթեռները սաստիկ զայրացան այս խաբեքայութեան վրայ։ Մեծ կորիւ բացուեցաւ մրջիւնների և թիթեռների մէջ, որից բաւական վնաս կրեցին մրջիւնները, այն ինչ թիթեռներն իրանց վրէժն առան, բայց անկարող եղան ազատել իրանց մօրը գերութիւնից, որով-

հետեւ մրջիւնների բները մեծ արգելք եղան իրանց փոքրութիւնով։

Անցան տարիները Թիթեռները հանգիստ չէին թողում մրջիւններին և շարունակ վնասներ էին տալիս նրանց։ Մրջիւնները վերջը տեսնելով, որ թիթեռները աւելի վնաս են հասցնում իրանց, քան թէ իրանք նըրանց, օգնութիւն կանչեցին բոլոր միջատներին, որոնք խիստ շուտով ընկերացան, որովհետեւ բոլորն էլ նախանձում էին թիթեռների վրայ, որոնք «առօք-փառօք» թոթուում էին իրանց վերեւը քաղցրիկ հիւթերը վայելելով։

Մեծ խորհուրդ եղաւ մրջիւնների և բոլոր միջատների մէջ։ Որովհետեւ սրանք շատ լաւ գիտէին, որ թիթեռներն իրանց մօրը գերութիւնից ազատելու համար «մահն աչքի տակ» ունին, միւս օրն այդ պայմանն առաջարկեցին թիթեռներին՝ որ եթէ նրանցից մէկը կը կարողանայ կրակի բոց կամ կալծ բերել իրանց բոյնը, կը վերադարձնեն իրանց մօրը... Թիթեռները այս պայմանը ընդունեցին... «մօր սէրը ամեն դժուարութիւն մոռացնել տուաւ...»

Ահա ինչու, որդեակ, թիթեռները տանջվում են, զոհվում են, որ կրակի բոց տանելով ազատեն իրանց գերի մօրը։ Եթէ մենք կարողանանք համարել աշխահիս երեսին իրանց մօր համար զոհուած թիթեռների թիւը՝ կը սարսափենք, բայց նրանք բոլորովին չեն քըշանում, ընդհակառակն աւելի և աւելի են քաղմանում, որ իրանցից գոնէ մէկը կարողանայ կատարել այդ տաժանելի պայմանը պաշտելի մօրը գերութիւնից ազատելու համար... Դու ինքդ աչքովդ տեսար, թէ որպիսի սարսափելի տանջանքներով զոհուեցան այդ երկու թիթեռը... Եւ այս վեհութիւնը գտնվում է, մինչև անգամ, այդ անլեզու արարածների մէջ»...

Կերպ և ժամանակ

ԵՐԿԱՐՈՒԻՂԻ

Անցնում է մեծ սարերի
Սրանքով և ձորերով,
Ինչպէս փոքրիկ մի թռչուն
Թռչէ օդը ճեղքելով:

Թանձր ծուխը բարդ ի բարդ
Գուրս է թափվում շարունակ.
Նա գոռգոռում, գոշում է
Իբրև գազան համարձակ:

Քսան ու հինգ ծանրաքարշ
Սենեակ իրար հետ կապած՝
Սրագութեամբ տանում է
Բուռն գոլորշին շղթալած:

Մարգիկ նստած բազմաթիւ
Սենեակներում փառաւոր,
Մի ըստէում անցնում են
Շատ անտառներ, լեռ ու ձոր:

Քաղաքներից դեպ քաղաք
Մարգիկ, ապրանք է տանում,
Եւ ցրուելով դես ու դէն՝
Ուրիշներին է բերում:

Հենց հասնում է մի քաղաք
Նա սուլում է ծփալով,
Կայարանում բերածը
Իջեցնում է խրոխ տալով:



ՔՈՅՐԵՐ

ԿԵԱՆՔԻ ԿԱԹԻԼԸ



ի խեղճ տղայի հայրն ու մայրը հիւանդացան։ Խեղճը չէր իմանում ինչպէս օդնէ նրանց և յուսահատվում էր։

Մի անգամ մի անյալտ մարդ ասաց նրան։

— Մի այր կայ, որի կամարի ճեղքից ամեն տարի, յայտնի օրերում, երեսում է կաթիլ, հրաշագործ և կենսատու ջրի կաթիլ, և ո՛վ այդ կաթիլը կ'ըմպի, նա ո՛չ թէ կը բժշկուի մարմնական տկարութիւնից, այլ և զանազան հոգեկան ախտերից։

Նատ գնաց, թէ քիչ գնաց, այդ յայտնի չէ, միայն նա գտաւ լիշուած այրը և մտաւ ներս։ Սա մի քարայր էր, որ ծածկուած էր քարեայ ճեղքոտուած կամարով։

Խեղճ տղան քարայրի մէջ ողջ մարմնով սարսուռ զգաց, «դեղնակոթեց», երբ յանկարծ տեսաւ իր շուրջը բազմաթիւ սողուններ ամեն տեսակից։ Նրանք զարհուրելի և գարշելի արարածներ էին, որոնց աչերից չարութիւն և վրէժինդրութիւն էր ցայտում... Սակայն նա Բնէ կարող էր անել. խեղճը ձայնը փորը ձգած՝ սկսեց սպասել. և երկար սպասեց։ Վերջապէս տեսնում է կամարի վրայ երեսում է մի ինչ-որ թաց, մի ինչ-որ փայլող խժային հիւթ և ահա քիչ-քիչ ծլծլալով կազմը վում է կամարի վրայ կաթիլ. նա յստակ է, ինչպէս վճիտ արցունքը։ Թվում էր թէ նա ահա կը մեծանալ — կը լցուի և կ'ընկնի գետնին։ Բայց հէնց երեաց կաթիլը, անմիջապէս բոլոր սողունները ձգուեցին դէպի նա և բացին իրանց թունալի բերանները։ Սակայն այն ջինջ կաթիլը, որ պատրաստ էր կաթելու, յանկարծ իրան-իրան յետ քաշուեց... կըկին անյալտացաւ։

Խեղճ տղալին մնում էր սպասել և դարձեալ ըսպասել:

Եւ յանկարծ օձերը սլլալով նրա շուրջը, ձգուեցին դէպի վեր, սողուններն էլ բացին իրանց զզուելի բերանները։ Տղան սաստիկ վախեցաւ, նրա ռանդ-մռանդը թռաւ։ «Ահա, ահա, մտածում էր նա, բոլոր այս կենդանինները կը յարձակուեն ինձ վրայ, կը ցցեն խալթոցները մարմնիս մէջ և ողջ-ողջ կը խեղդեն։ Սակայն նա յալթահարելով իր վախկոտութեանը, ինքն էլ ձգուեց դէպի վեր. և ո՛չ, հրաշք, կենսատու չըի հաթիլը կաթեց իր բացած բերանի մէջ։ Սողունները շշացին, շըվշըվացրին, սակայն իսկոյն և եթ յետ քաշուեցին նրանից, այն բախտաւոր տղալից։ Եւ միայն չար աչքերը նախանձով նայում էին նրա վրալ...

Տղան զուր չը կուլ տուեց այդ կաթիլը։ Նա ըսկրուց հասկանալ այն բոլորը, ինչ որ մատչելի է մարդկային հասկացողութեանը. նա թափանցեց մարդկային կազմուածքի գաղտնիքի մէջ, և ո՛չ թէ միայն բժշկեց իր ծնողներին, այլ և սկսեց զօրանալ ու հարստանալ, և նրա փառքի համբաւը ալացաւ հեռու և հեռու...

1884

ՏԱՆՈՒ ԳՈՂ

Ա.



արածճի Ռուբէնը շատ քաղցրասէր էր։ Նրա մալրը թէկ մրգեղէններն ամուր կողպած սնգուկների մէջ էր պահում, բայց նա այնպիսի խորամանկութիւնով բաց էր անում նրանց, որ մալրը մընում էր զարմացած։ Ամեն տեսակ փական մի հասարակ երկաթի կեռ ծալրով հմտութիւնով բացում էր և սընդուկի քաղցրեղէնները վայելում։ Նատ անգամ, ի հարկէ, մալրը վրայ էր հասնում և մի լաւ թակելով, կտմ «անէծքաչոր» անելով, դուրս գցում տանից։ Ծեծում էին սաստիկ, մալրը ջոկ, պառաւ նանը ջոկ, բայց ոչ ոք չէր կարողանում նրան այդ ճանապարհից յետ կանգնեցնել։ Պէտք է այս էլ ասած, որ մալրը — գլխաւորապէս նանը — իրանց անխիղճ ծեծերի հետքերը թողել էին նրա ճակատի և մատների վրայ. այդ հետքերը փոքրիկ սպիներ էին։ Նրանք տեսնում էին, որ ձեռքով թակելով չեն կարողանում «ժարկ անել» տալ նրա գողութիւնները, փալտով էին ծեծում և քիթ-պոռնդ «արիւնլուայ» անում։ Մալրը միշտ յետոյ փոշմանում էր և զդուշութիւնով փաթաթելով արիւնոտ վէրքը՝ նստեցնում էր իր գոգում և սփոփելով ասում.

— Քո մօր աչքերը կուրանայ, ձեռները չորանայ, բալա-ջան, սուս կաց. ի՞նչ անեմ, բարկացած էր սիրտս, չը համբերեցի... Դու էլ ինելօք կաց էլի, ի՞նչ ես սիրտըս տեղահան անում։ Ձե՛ռք չես վեր առնիլ այդ գողութիւններից, և ուրիշ խօսքեր չը գտնելով, պինդ գրկում էր և մրգեր տալով խաբում էր ու լռեցնում։ Բայց անց-

նում էր մի-երկու օր թէ չէ՝ Ռուբէնը էլի սկսում էր իր գողութիւնները, իսկ մայրը տեսնելով, էլ չէր համբերում, ծեծում էր անխնայ և յետոյ կրկին փոշմանում...

Վերջը տեսնելով որ նրա «Հախիցը» չեն կարողանում գալ և ծեծեց երբեմն Ռուբէնը հիւանդանում է, մի օրէնք դրին նրա համար. այն է՝ միշտ քաղցրեղէն ուտեցնեն Ռուբէնին, որ այլ ևս գողութիւն չ'անի: Բայց այս էլ անյաջող անցաւ, որովհետեւ այնքան միշտ չէին տալիս, որ նա կշտանար. տուած էլ միայն ախորժակն էր բացում, ուրիշ ոչինչ...

Ռուբէնը դարձեալ իր սովորութեան փեշից բռնեց: Նրա ծնողները կարծելով այս բանը սուրբ-Սարդսից է, ուխտ դրին՝ ամեն տարի նրա տօնին այնտեղ գնալ, մատաղ անել, որպէս զի խաչն իրանց որդուն ծուռ ճանապարհից հանի: Այդպէս էլ արին: Երեք տարի չարածճին խաչ էր գնում, քէփ անում իրան համար, բայց դարձեալ ոչինչ չը դուրս եկաւ, նա մնաց նոյնը, նոյն «տանու գողը»...

Բ.

Մի անդամ էլ Ռուբէնը տուն մտնելով, ըստ իր սովորութեան, սնդուկը բացեց և ընկուզի «շիջողներ»—չուչխելա հանելով այնքան կերաւ, որ զզուեց: Նանը վրահասաւ: Նա մի քանի անդամ Ռուբէնի վրայ ծըղրտաց, մի քանի անդամ էլ «բամփեց» գլխին և յետոյ, որպէս պատիժ, հրելով ձգեց նկուղը: Այդտեղ բաւականին մութն էր, բայց յետոյ Ռուբէնի աչքերն ընտելանալով մթութեանը, կարողացաւ աչքի առնել իր շըրջակայքը: Նա տեսաւ, որ առաստաղից մի քանի երկար փայտի վրայով կախած են «բանդաղներ»—կախաններ: Խսկոյն մի միտք լղացաւ նրա գլխում: Զորս ժամից ա-

ւելի կը լինէր, ինչ նա նկուղումն էր: Ռուբէնը բաւականին քաղցել էր. հարկաւ մի բան պէտք է գտնէր ուտելու... Եւ ահա խաղողի, խնձորի և տանձի բանդաղները հրապուրում են նրան...

— Բայց միթէ նանը չէր իմանում, որ այստեղ բանդաղներ կան և չեն կարող ազատուել իմ ձեռից, հարցրեց ինքն իրան Ռուբէնը:

Պատի վրայ «ոտնատեղեր» կային. Ռուբէնը սկսեց այդ ոտնատեղերով վեր բարձրանալ: Թէև նա սկզբում «ալկհաց», վայր ընկաւ, բայց յետոյ կամաց-կամաց ոտներն ամրացնելով՝ հասաւ բանդաղներին: Ձեռքը մեկնեց խաղողի բանդաղին և բռնեց ամենածայրի ճթից: Բայց նրա բաղդից ճիթը—ողկոյզը պինդ լինելով չէր պոկվում: Սկսեց ամուր քարշել: Նը՞րմմի... Թափուեց գետնին բանդաղների շարքը: Ռուբէնը բոլոր մարմնով սոսկաց: Տեսնում է առաջը տասն-քսան խաղողի բանդաղներ շղուր են դառել, ոչնչացել բարձրից ընկնելով. խնձորի, տանձի բանդաղներն էլ սաստիկ հասուն լինելով՝ նոյնպէս ջարդուել ու փչացել էին: Ի՞նչ կարող էր անել խեղճը—ոչինչ: Եւ Ռուբէնը վիզը ծռած, «խեղճ-խեղճ» նայելով արածի վրայ, սկսեց մի աղիողորմ լաց: Այնպէս «աղի-աղի» լաց էր լինում, որ լսողի սիրտը կտոր-կտոր կը լինէր... Լալիս էր և բարձր ձախուզ «ամիշ, ազիշ» կանչում. իսկ նանիի անունը չէր տալիս, որովհետեւ եթէ նա իմանար, իրան «սաղ-սաղ» գետնումը կը գնէր... Լալիս էր Ռուբէնը և զարհուրած նայում ջուր դառած բանդաղների վրայ: Սաստիկ սարսափից նրա սիրտն ուզում էր միջից ճաքի... Խեղճն այնքան լաց եղաւ, որ ձայնն էլ կտրուեց, արտասուքն էլ ցամաքեց: Վերջապէս վհատուած սրտով ընկաւ գետնին և այնպէս թմրած մնաց...

Եկեղեցիների զանգտակները զօղանջում էին, երբ նա սթափուեց: Ոուբէնը գլուխը բարձրացրեց և ըսկը-սեց ապուշ-ապուշ նայել գետնին փռուած բանդաղների վրայ, որ նրանց ձմեռուայ քաղցրեղէնն էր, սակայն նա փչացրել էր մի լոպէում:

Մթնել էր, ոչինչ չէր երևում մթին նկուղում: Յանկարծ միւս սենեակում Ոուբէնի մօր ձալնը լսուեց, որ բարկացած ասում էր.

—Ի՞նչ անեմ ես այդ անխիղճ պառաւի ձեռիցը, որ չի ուզում խեղճ Ոուբէնիս հանել մթին նկուղից:

Նա գալիս էր նկուղը մի ճրագ ձեռին: Ոուբէնը թէւ մի փոքր սրտապնդուեց լսելով մօր խօսքերը, բայց ինքն էլ մեղաւոր ճանաչելով նանիին՝ սկսեց դառնապէս լաց լինել, որ դրանով իր գանգառը յալտնի մօրը: Դուռը բացուեց թէ չէ, նրա սիրտը չը համբերեց, հեծկլտալով ընկաւ մօր ծնկներով:

—Ի՞նչ է, Ոուբէն-ջան, ինչո՞ւ ես լալիս, հարցնում էր մարդն անդադար:

Բայց Ոուբէնը մի խօսք չէր կարողանում ասել. նրա լեզուն բոլորովին կապուել էր... Այնպէս էր հեկեկում, հեծկլտում, որ մտրդի մազերը «բիգ-բիզ» էին կանգնում...

Տեսաւ մալրը բոլորը և հասկացաւ:

—Ոչինչ չը կայ, Ոուբէն-ջան, դու հու չես մեղաւորը, բոլորի պատճառն այն անհոգի պառաւն է, դու մի լար:

Տեսնելով որ լաց լինելը չի կորում, Ոուբէնին գրկելով շարունակեց.

—Այդքան լաց կը լինին, Ոուբէն. աչքերդ ուռել, կարմրել «տակ» են դարձել. ոանդ-մռանդդ թռել

է, բալա-ջան, սուս կաց, մի լար... Քո մօր ոտը պէտք է կոտրուէր, որ այսօր տանից գուրս չէր եկել... Արի խտում, տանեմ տուն. տատունց տանիցը քեզ համար լաւ-լաւ գատեր» եմ բերել... Սուս, Ոուբէն-ջան, սուս կաց: Բայց Ոուբէնը չէր կարողանում սուս կենալ: Մօր խօսքերն աւելի և աւելի էին ներգործում նրա վրայ և նա հեծկլտում էր անդադար...

—Արի, որդի-ջան, խտում, աղազում էր մայրը, էլ լաց մի լինիր, ի՞նչ ասեմ քեզ այստեղ գցողին, որ սիրտս հովանայ... Բոլորը նա է արել, դու մեղաւոր չես: Դէ մի լար, Ոուբէն-ջան, բաւական է: «Զարդ տանի» քո մայրը...

Դարձեալ Ոուբէնը չէր կարողանում իր լացը պահել: Խեղճն իր կեանքումն այդքան սասաիկ լաց չէր եղած... նրա սրտի թելերը թռուացել էին...

Այդ գիշերուանից Ոուբէնը սաստիկ հիւանդացաւ և բաւականին երկար ժամանակ մնաց անկողնի մէջ:

Զը գիտեմ ինչո՞ւ, բայց նա առողջանալուց լետոյ սաստիկ զզուանքով էր նայում բոլոր քաղցրեղէնների վրայ...

1883

ԱՐՇԱԿ ՄԵՀՐԱԲԵԱՆ—ՄՐԻՆԳ

ՊԱՐՈՒԽԱԿՈՒԹԻՒՆ

ԵՐԵՄ

I.	Մանկական մաղթանք	3	«	»
II.	Գողութեան հետեանք.....	5	«	»
III.	Քամի (բանաստեղծութիւն).....	7	«	»
IV.	Մարդը (Հին զբոյց).....	9	«	»
V.	Որբ.....	14	«	»
VI.	Հպարտ բոյսը.....	17	«	»
VII.	Աշնան տերե (ոտանաւոր)	21	«	»
VIII.	Ոսկի և կրակ.....	23	»	»
IX.	Ծիծեռնակ (բանաստեղծութիւն)	29	«	»
X.	Թիթեռներ (աւանդութիւն).....	31	«	»
XI.	Երկաթուղի	36	«	»
XII.	Կեանքի կաթիլը (Տուրգենեվից)	37	«	»
XIII.	Տանու գող	42	«	»

ց. մարդիրայ տե

Գային

պ. Անգել մ: 43

ՄՄ Հայոցիտական գրադարան



MAL028219

ՄՄ Հայոցիտական գրադարան



MAL028218

ՄՄ Հայոցիտական գրադարան



MAL028217



MAL028216

